

侵欺之弊誠為有理合准所言但彼罪以上人犯起解總司詳審固是定例其杖罪以下亦要入官贓罰合免通行各處按察司轉行各道分巡官員凡問過囚犯不分輕重但追出贓物除頭畜粗重物件行印該府

振布按二司知會其金銀布絹等物務要起解本司轉送布政司官庫收貯支銷每遇歲終按察司將解發過贓物布政司將收支過贓物總數各另開奏仍備造文冊繳報以憑稽考具題奉

聖旨是欽此

贓罰牛隻送太僕寺餵養供應例

成化六年十一月初六日太子少保兵部尚書白 寺題為供應事據太僕寺呈倫順天府大興縣中行准本縣主簿王海牒於李振冊內上查有寄養贓罰黃犍牛二隻拘取到我看驗俱老弱瘦小不堪難以送用別取遷移牒本縣申報到寺又據宛平良鄉等縣亦申无堪用牛隻係干供應之數呈乞照詳定奪施行等因送司案查先該

內府供應庫署庫事內官監太監高儀題稱打造香油拽磨碾牛中問陸續倒死老弱瘦損不堪驢共一百二十五頭牛一十六隻要行照例換補等因具題次日欽奉

聖旨是兵部知道欽此欽遵本部已經劄仰本寺照數行取徑送文用去後今該前因案呈到部叅照所呈順天府所屬寄養贓罰牛隻俱各老弱瘦小不堪送用別無選取要行定奪

一節緣前項贖牛隻俱係法司送工部作屯牛之數今既發順天府寄養緣不經由太僕寺作教以致瘦弱不堪選用查得南京太僕寺所屬孳生牛隻數多合先移咨南京兵部轉行南京太僕寺於所屬鳳陽等府孳生牛內內選堪取中力壯牛五十隻差委的當人役管解沿途應付草料定限次年二月終餉部轉送太僕寺看驗明白內轉一十六隻送赴

內府供應庫投交應用除餘剩牛隻發順天府寄養以備取用本部仍行法司今後遇有一應贖罰牛隻俱送本部轉送本寺發屬餵養听候選取應用若是養戶不行用心餵飼致有例失等項照例買補還官具題奉

聖上是欽此

入官贖罰免其監追例

成化七年十二月十四日刑部河南清吏司為修省事

計開

一官吏軍民人等有犯過成化七年十一月十六日

詔書內宥免其罪有因追贖未完或監候或送該管衙門追徵

下無淹滯有孤

恩典合無盜除係官錢糧并給主贖物羈管賞限追徵外其